

مدیر مرخص
الهامی صفا

اداره خانه

ایستانبول ، جفال اوغلنده دائره اجتهاد
Adresse: Idjtihad Constantinople

نومرو ۶۷ — ۳۰ مایس ۱۳۲۹

ایجتیهاد

آبونه

سنه ۴۰ القی ایلق
تورکیا ایچین ۴۰ غروش ۲۵ غروش
ممالک اجنبیه ایچین ۱۰ فرانق ۶ فرانق

نسخه سی ۵۰ باره

دوردنجی سنه

حریت فکریه یه خادم ، پنجشنبه کونلری چیقار ، اقتصادی ، اجتماعی ، ادبی مجموعه

قورقماقلى وهر شى ايچين بير قىتوى استحصا ايتىك
لزونىك قطعياً اوكنى كسىدىر مىلى در .

بوندىن صوكره اوردونىك ايشلرني باب مشىختىك
وظيفه وصلاحتيدن خارج قىتوالرى ده كىل اركان حربيه
عموميه نىك قىرارلى كور مىلى در .

امور اداريه عائد هر خصوصده ، حضرت نىي كرمك
« دنيا ايشلرنده سىز دها بىلىكىجىسكز . » حديث شريفى
بزم ايچين اك بلىغ واك شموللى بير دستور حركت
اولمىلى در .

اركان حربيه عموميه آرتىق قطعيت وجسارتله
حركت ايتىلى در .

فلىج زاده مفى

سياحت نوطه لرى

۲۸ ايلول ۱۳۲۸ ده ، لوتيد قومانيا سنك غالىچيا
واپوريله طربزونه متوجهاً حركت اولوندى . سياحت
صرف برتبع سياحتيدر . رفاقتده ، چارسنچاق قضاسى
قائمقامى محمد شكرى بك وار .

واپورده بعض عثمانلى ضابطى كوردك كوكرتهده
اسافل ناس ايچنده بولونيورلردى . عىنى واپورله عودت
ايدركن اركان حرب ميرالايلىردن عسكرى محررلردن
عثمان ثنائى بكة بوكيفيتى مقام شكائتده آكلاتدم . كوكر-
تهده سياحت ايدن عثمانلى بيكباشيلرى كوردىكنى علاوه
ايتدى ، بونلره بهمه حال ايكىنجى وپرنجى قماره بىلتى
آلاق اوزره خرچراه وپريلىورمش . حكومتك بو
خصوصده هيچ برقصورى يوقمش فقط بونلرك تربيه دن ،
عزت نفس دن محروميتلرى ضابطلك وعسكرلك حياتى
نهدر بىلمه مه لرى بويله ذليل وخسيس طاورانمالرينه
سبب اوليورمش . حكومت بونلره پاره يرينه بىلت آلوب
ويرملى ، ياخود قومانيا لره برتعميم يازوب ضابطان
وعائله لرى ايچين كوكرته بىلتى كسمه مه لرى تنييه ايتملى .

جهات جامعه سى دوشونولورك قبول ايدىلن باش اورتولرىك
دها اوسنى ايجاد واعمال ايتك ترقيات بشريه نىك دوره حاضر مه
نظراً مان غير ممكن در . عقيدده مطلق بىرستلىكى برطرف
ايتك بختيارانغنده بولنان وبعض مرتبه سربستى اجتهادى قبول
ايله نى حكومات اسلاميه دن ايران وافغان اوردولرله بيله
اوروپا اوردولرى سربوشنى قبول ايلدىكلرينه نظراً اردوى
عثمانىك بالوجوه شرائط فنيه وعسكرىه يى خاىر بير سربوش
ايتخاندنه كچيك كميه جىكى اميد اولونور [*] .

قارئلىمه ، جريدۀ عسكرىه نىك بونسخه سنى توصيه
ايدر واورادن اقتباس ايلدىكم بالاده كى پارچه لرى كمال
دقتله وتكرار على التكرار اوقومالرينى كندىلردن رجا
ايدرم . جريدۀ عسكرىه ، بونسخۀ كزیده سنده بيراز
احتياطه رعايت ايتمكله برابر ينه اولدوچقه برجسارت
مدينه كوسترييور . بالطبع فكرآ بويوك بير اثر ترقى در .
كندىسنى شايان تبريك كوريرم .

آه بىزى احاطه ايدن بو ظالم اوهام بولولطلى حالا
طاغىلمايه جقلمى ؟ حالا جاهل صوفتاك قىتواسى اركان
حربيه عموميه نىك قىرارلىنى جنين ساقط حكمنده
بيراقاجقى ؟ اى غيرت جاهليه ! اى ساخته اعتقادات !
اى جلاد ترقى ! بىزى بوغماقده عجبا نه زمانه قدر دوام
ايدجىسكىن ؟ ..

اعلان مشروطيتى متعاقب ، فسارك ، اوردو ايچين ،
مضرت وچيركىنلىك حقتده ، عاجزانه اك اول اجاله قلم
ايتمش ومدنى انسانلرك ، منتظم اوردولرك استعمال
ايتدىكلرى [شابقا ، منفر ، سربوش ، هر نه ايسه] ؛
باش اورتولردن بيرينىك بير آن اول قبولنى توصيه ايتمش
ايدم . ينه تكرر ايديم وبودفعه دها سربست سويليه يم :
مسلمانلق قياقتله ده كىلدر . مسلمانلق سلامت قلدده در .
شابقا ويا مغفر كين كافر اولماز . مسلمانلر حسن طبيعتله
واى شيلرى سومكله مأموردلرلر . بناء عليه بوخصوصده
دىنى تمثيل ايتك دعوا سنده بولنانلرك ، خوموردانمه سندن

* [اجتهاد نومرو ۵۵ . صحيفه ۱۲۲۷ ده بوكا دائر
مطالعات واردر .

حکومت یا انگزارا و ضابطان ایچین دکن یونلرک عالیه لرینه
خرج راه و یرمک کیی جدا سخا کارلق ایتمکده در .

ایک علم سخیفه مراجع

واپور غایت غلبه لک ایدی . بیر صورتله که بیرنجی
صنف یولجیلرینه مخصوص یمک ، سیغاره و موسیقی صالو-
اوکنده کی کزیتی یرلرنده کوکرته یولجیلرینک یا تمالینه
اوطورمه لرینه مساعده ایتمک مجبوریتی حاصل اولمشدی .
بن بوندن استفاده ایتدم . بیرچوقرلیله قونوشدم .
عسکرلک ، حکومت ، تجارت ، اوروپا ، مدینت حقلرنده کی
فکرلرینی اوکرنمک ایسته دم .

محللیجی ریزه لی حسن آغا

قونوشدیغم کوکرته یولجیلری ایچنده ، بکقوزده
محللیجی لک ایدن ریزه لی حسن آغا ، بنجه مهم بر موضوع
تبع تشکیل ایتدی . طیقناز ، فقیرانه فقط ترمیز کینمش ،
باشی آبانیه صاریقلی بو آدم عقل سلیمنده کی شدتله بنی
تسخیر ایتدی . قالینجه بیر بویون اوزرنده کیملی بر قفانک ،
سویملی بیر چهره نك اوزرنده یانان اوایکی سیاه کوزخالا
خیالده در . غریب بر تصادف در . بورایه قید ایتمک
مناسب اولمایان محاوره لر مزده ، القابیلله اوقومامش اولان
حسن آغانک کوستردیکی فطانت و عقل سلیم ، فالتسلی
و علمادن علی خواجه نك وعظ صورتنده نشر ایتدیکی
سخیف و مضر فکرلر اوکنده پک پارلاق بر تضاد تشکیل
ایدیوردی . بدیع اوقومش بیان اوقومش مأذون
اولمش ، آیاصوفیه جامع شریفنده وعظ ایتمک صلاحیتنه ،
باب مشیخت جانبدن مظهر ایدیش بو عمامه لی قفا
محللیجی حسن آغانک هیچ بیر تعلیم ایله ، هیچ بیر تربیه
خارجیه ایله اخلاص و افساد ایدیلنه عقل سلیمنه غشیان
آور اولیوردی . حسن آغا دییوردی : بن اوقومادم فقط
ایکی اوغلمی اوقوتیورم . اوتوز اوچ یاشنده یم قیرقه قادار
وقت وار ، آلمشندن سوکره اوقویوب یازماق اوکره نوب
اغالقدن افندیله که چقان برهمشهری بی بیلیم . اوغوللریمک
مکتب پاره سندن زیاده بیرده کندی م ایچین مکتب پاره سی

یتیشدیرمه یه جکم . فقط بیر سنه سوکره بویوک اوغلم
بنم خواجه م اولاجاق اونلر بانا اوقویوب یازماق و دیگر
لازم اولان علملری اوکره ته جکدردر . صله دن دوندو کدن
صوکره ، بیر مادمازل وار اونلر آید اوج مجیدی و یرده جکم
اوغوللریمه فرانسز جه ده اوکره ته جک .

نتیجه : بزم بیر چوق مؤسسات علمیه من شعور
طبیعی نك درجه سنی آچالیتور و عقل سلیمی اخلاص ایدیور .
ایته بولی

هوا مساعد دکلدی . چیقماق ممکن اولمادی . دکزه
دوغر و این برسطح مائل اوزده رنده بنا اولونمش و توسعه
مستعد بیر منظره عرض ایدیور . یلکن کمی اعماله
مخصوص اهمیتلیجه دستکاهلری وارمش . مقدار اهالیسنک
بوکون ۳۵،۰۰۰ راده سنده اولدیغنی تحقیق ایتدم . بوندن
یکیرمی سنه اول ۲۸،۱۵۰ مقدارنده بولونیوردی .

صامسون

حرکتتمزک ایکینجی کونی علی الصباح صامسونه واصل
اولدق . هوا کوزل ، همان آرقاداشمله برابر چیققدق - واپور
کیجه قالقاجاق . ایلک ایش حکومت قوناغنی و متصرفی
کورمک اولاجاقدی . حکومت قوناغنی زده دیدک ، منتظم جه
و مستقیم بیر جاده کوسته ریلدی اوجاده بی آلدق دوام ایتدک .
چارشینک ایچندن چیقار چیقماز جاده نك ایکی طرفنده
بوش و بعض آغاجلری حاوی فقط یولک هرا یکی طرفنده
یوکسکجه دیوارله آیریش بیر ساحه آچیلدی . ملت باغچه سی
اولماق کرک دیه کندیمده بر فرح حس ایتدم . مزارلق
اولدیغنی بیر آز سوکره آکلادم . دیرکن صاغ طرفنده
بیرقاپی کوردیم . اوزده رنده « اسلام قبرستانی » عبارده سی
اوقودم . حکومت قوناغنه واصل اولونجه یه قاداریوللرده
چامور بطاقلقاری کچمه یه مجبور اولدوق . بوندن بیر بوچوق
ایکی آی اول بلغاریانک فیلیه شهرنده بولوندم . دلبر
بلدیله باغچه سی واردی . مسافرلری بولوندیغم مسلمان
افندیلر بانا حکایه ایتدیله : بوراسی مسلمان مزارلق
ایدی . بلغارستان تشکیل ایتدیکی وقت ایکی بیلک لیرا مقابلده

۱۵۰ لیرا ایجار سنوویی وارددر . معارفه عائد ۱۲ دکان بیر قاج نهو ، ۲ قازینو موجوددر . معارف مفتشی علاءالدین بک اسمنده بیرذات . معارف مفتش عمومیی ۳۰۰۰ غروش معاش آلیور . خرجراه و یومیه یوق . خرجراه ویریلهمه منی ایفای وظیفه ایتمه لرینه برآز دورغونلق ویریور . معارفک غیری شعبات اداریه نك مفتش لری هم معاش ، هم یومیه ، هم خرجراه آلیور .

صامسونده مطبوعات

صامسونده باشلیجه ایکی غزته چقیور (دوغرو سس) ، (عکس صدا) اوچ دورت مطبعه زیارت ایتدک اک مهم ومنتظمی (شمس مطبعه سی) در . نملی زاده لردن بری بومطبعه یی بر شرکت تشکیل ایدره ک تأسیس ایتمش . (دوغروسس) بوراده چیقار . (عکس صدا) نك ده مطبعه سی وار . هرایکیسی موتورله متحرک ویکسی سیستم ماکنه لرله مجهزدر . مملکتده بیر حرکت علمیه وادییه آثارینه دسترس اولامادم . بوغزته لر هب فرقه و سیاست هوالرینک محصولی در . اهالی یی تنویر ایتک ، ارشاد ایتک غایه سی تعقیب ایتمه لرینی هرایکی غزته نك محرر لرینه رجا ایتدم .

صامسونی روملر صاتین آلیور

صامسون اوکنه وارینلجه کوزه چاربان اک معظم ایکی بنانک هر ایکسی ده روملره عائددر . بونلردن بیر ۲۵۰ یاتاقلی بیر روم خسته خانه سی در . دیگر ی مکمل بیر روم مکتبی در . صامسونده روملرک محله سی شهرک صول طرفنده ، و اک هوادار یرنده در . (آته) نك بیر پارچه سی صامسونه نقل اولونمش ظن اولونور .

صامسونده دفتر خاقانی اداره سنک قیوداته نظرآ مسقفا - بیع وشراسی معاملاتندن یوزده سکساتی مسلمان طرفندن صاتیلان وروم طرفندن آلینان مسققات واملاک معامله سی تشکیل ایدر . (صامسون) ک قدیم اهالیسنک کافه سی قایقچی و باغچواندر . تجارک قسم اعظمی طربزونلی ریزه لی ، قیصریه لی روملر و سیواسلی ارمنی لردر . عرصه لر

بومزارلنی بلدییه صاتمایلرینی مسلمانلره تکلیف ایتمشلر . مسلمانلر قبول ایتمه مش . آجانم سزک شریعتکزرجه نقل قبور جائزدر . عظامی نقل ایتمه یی شهرک خارچنده سزه بر مزارلق یا پیمایی ده درعهده ایده رز ، دیمشلر . مسلمانلر قبول ایتمه مکده اصرار ایتمشلر . آرده دن بیر ایکی آی کچدیکدن صوگره بیر روس جنرالی بلغارستانده بعض تنسیقات و تشکیلات اجراسنه مأمور اولاراق کلش . النده قیرباج اولدینی حالده مسلمانلرک اشراف واعزهنسی طوبلامش مزارلعه طولدورمش هایدی باقالم قیرک شو طاشلری ، دیمش . طاشلری بومسلمانلره قیردیرمش آرقالریه طاشیتوب طاشلری صاتمش و مسلمانلرده بیر باره ویرمه مش . صامسونک بوواسع مزارلنی ، اوزته سنندن کچن بوجادده یورورکن بو حکایه الیه خاطر مه کادی وغیر شعوری بر هیجانله ابولعلاء المعری نك :

صاح ! هذا قبورنا تلاء الرح

ب فاین القبور من عهد عاد ؟

بلیق دودا قلم اوزه رنده دولاشدی .

صامسون مکتب اعلی سی

۳ سنه سی رشدی ، ۲ سنه سی اعدادی در . ۱۸۰ طلبه سی وار ۷ خریستیان . کچن سنه ۱۸ خریستیان وارمش . روم وارمنی هر سنه خریستیان طلبه سی آزالیور . چونکه کند ی ملتانلردن چیقانلر مکاتب عالییه قبول اولونیور . کند ی مکتب لری ایسه بزم مکتبلر هنرک فوقنده در .

۵ مکتب ابتدائی وار محلی معارف قومیسینی مصارفی تأمین ایتمش . هر مکتبک وسطیآ ۱۵۰ مداومی معلمی ، برر مبصری ، برر خدمتچیسی وار . بیر اناث رشده سی وار ، ۲ آنا مکتبی وار ، بونلرک جمله سی مکتب اولاراق یاپیلامش .

معارف قومیسینونک وارداتی سنوی ۱۲۰۰ لیرا راده سنده در .

معارف قومیسینونک ۲ توتون ده پوسی وار بهرینک

و اراضی سرعته خرسیان انه کچمکده در . اکثریت روملرده در . (قواق) ناحیه سی سایه سنده مسلمانلر ، انتخاباتده اکثریت تشکیل ایدیورلر .

صامسونک نفوسی

نفس صامسون شهرینک ، بوندن یکرمی سنه اول نفوسی ، ۱۱,۰۰۰ ایدی ثلثی مسلمان ثلثانی روم وارمنی ایدی . شمده یرلی اولیانلرله برابر ۵۰,۰۰۰ راده سنه چقمش . مشروطیتک اعلانی متعاقب ایچهریدن پک چوق نفوس کیشدر . سنجاغک نفوس عمومیس ۱۸۹۲ تاریخده شومقدارده وشو صورتله منقسم ایدی . بوکون یعنی یکیرمی سنه صوکره تراید نفوس نامه بزده همان هیچ بیر حرکت وتحول کورولمده دیکندن حال وحقیقه مقارن نظریه باقه بیلیرز :

مسلمان	۲۱۴,۱۳۵
روم اورتودوکس	۷۷,۰۰۰
ارمنی (غره غوریه)	۱۷,۰۰۰
ارمنی قاتولیک	۹۰۰
ارمنی پروتستان	۵۶۵
قاتولیک لاتین	۱۵۰
موسوی	۲۵۰
	۳۱۰,۰۰۰

صامسونک معدنلری

صامسون خطه سنک مرتفع محللرنده دمیر ، قورشون ، کوموش دامارلری کورولیور . و زمان قدیمده اجرا ایدیلش اولان حفريات آناری مشهوددر . بوتون بو ثروت لرمترکدر . هر ایکی معناسیله یولسزلق بومتروکیت و خسرانه سبیت ویریور .

صامسونک اورمانلری

صامسونک مهم بر ساحه ارضیه سی میشه ، قاین ، سرو ، چام آغا جلری ایله مستورددر . بونلردن منتظم صورتده استفاده ایدیله یور . وبونلرک ظالمانه معروض

اولدیفی تخریباته قارشى بیر تدبیر آلینا یور . خطه نك منخط اقسامنده هر دورلو اعلا میوه آغا جلری وارددر .

صامسونده مبانى دینه

صامسونده بری بویو کجه اولاراق ۷ جامع ، ۴۰ مسجد ، ۱ روم ، ۲ ارمنی ، ۱ قاتولیک ، ۱ پروتستان ، ۱ فرنک کلیسای وارددر .

صامسونک ثروتی

صامسون هر سنه اون درت میلیون کیلو توتون محصولی ویریر . دنیانک هر طرفده مشهور اولان بوتوتونک جیغاره حالته قونولدوقدن صوکره هر کیلوسى قیرق فرانک بر قیمت وسطی به مالک اولورکه آشانی یوقاری اونایکی میلیون عثمانلی لیراسندن فضله بر مبلغ دیمکدر . بوقادار توتون تقریباً ۳۵,۴۵۰ دونم اراضی اوزده رنده استحصال اولونور .

۱۸۹۷ سنه سنده ادخال تنک مقداری ۱۲,۴۷۲,۰۰۰ فرانغه و ۱۸۹۸ ده ۱۲,۹۴۸,۰۰۰ فرانغه بالغ اولدی . بو مبلغک بیر قسم مهمنی یعنی ۴,۱۰۵,۰۰۰ فرانقی منسوجات ، ۱,۰۸۸,۰۰۰ فرانقی شکر تشکیل ایدیوردی . اوچنجی ، دردننجی الخ درجه ده اهمیتلی مقدار تشکیل ایدن اشیا ، دمیر ، صابون ، زیتون یاغی و سائرهدر . ادخال تنک ۶,۷۷۴,۰۰۰ فرانقلی بالنفس توکیایه عائددر . متعاقباً انکلترة ، اوستریا ، آلمانیا ، بلجیقا ، روسیا وک صوکره فرانسه کلیر . بو وثائق ایوکویو Yves Guyot ایله رافالوویچ Raffalovich ک (تجارت ، صنایع و باقه قاموسی) عنوانلی کتابنک جلد ثانینسک « صامسون » بحثنده و ۱۲۸۳ نجی صحیفه سنده بولورز .

عینی مؤلفاره نظراً (صامسون) ک اخراجاتی ۱۸۹۸ سنه سنده ۲۰,۰۰۰,۰۰۰ (یکیرمی میلیون) فرانق راده سنده اولمشدر . بو مقدارک ۴,۱۰۵,۰۰۰ فرانقی توتون تشکیل ایتشددر .

صامسون-سیواس خطنک اکالندن صوکره صامسون

تحصيل ابتدائی حقنہ

- معارف نظارتك يكي اجتہادی -

غزنیہ لر ، کچنلرده ، معارف نظارتك يكي بر « تدریسات ابتدائیه قانونی لایحه سی » حاضر لادیغنی یازمش ، و بومناستله معارف مدیریترینه کوندردیکی عمومنامهك صورتی درج ایتمش ایدی . بو عمومنامه دن آ کلا شیلیورکه ، معارف نظارتی ، مملکت مزده کی « معرفتسزلك » علتك سبیلری حقنہ یکی براجتهاده دوشیور : معرفتسزلكك - برنجی درجه ده - تحصیل زمانك قیصا اولمسندن و بو زمان ظرفنده اوکره نیلن شیرك چاپوق اونوتولماسندن ایلری کلدیکنه حکم ایدیور؛ و بوکا کوره برتدیر اتخاذایمکه قرار ویریور : تحصیل ابتدائی مدتی آلتی سنه یه چیقارمق ، و بو تحصیل اکیال ایدنلری بیله بش سنه مدته بر « یوقلاما امتحانی » نه تابع طومتی ایسته یور ...

فی الواقع ، بواجتهاد اساساً بوسبوتون يكي دکلدر : ابتدائی واعدادی مکتبلیرنك تحصیل مدتلرینه برر سنه ضم ایدیلسی ، معارف نظارتجه شیمدی یه قدر مکرراً دوشونوله رك موضوع بحث ایدیش پروژہ لردندر . فقط ، شیمدی نظارت ، اولجه دوشونولش اولاندن چوق ده ایلری یه کیدیور ؛ تحصیل مدتی بر حمله ده شیمدیکیك ایکی مثلنه چیقاردقن باشقا بوکا بش سنه لك بر « یوقلاما » علاوه ایتمك ایسته یور ؛ فضله اوله رق بواجتهادی پك شایان دقت برحاکمه اوزرینه بنا ایدیور : « مکاتب ابتدائیه ك معارف عمومیه مزك انكشافه خدمت ایدمه مش اولدیغك اك واضح دلیلی یکر می بش اوتوز سنه دن بری مکاتب ابتدائیه سی موجود اولان کویلرده أهالیدن هان هیچ بر فردك اوقویوب یازما بیلمه مسیدر . بو مکتبلرك مداومین حاضره سی اولان سکز اون یاشلرندک چوقولرک کوزلجه اوقویوب یازدقلری کورولدیکی وکندیلرندن اول چیقانلرکده مکتبده ایکن عینی درجه ده صاحب معلومات اولدقلری

تورکیانك اك مهم بر شهری اولاجا قدر . فقط تورکلرك ومسلمانلرك دكل .

صامسونده احوال صحیه

دنسانك اك ایی هوالی ، اك صحی برشهری اولماق استعدادنده اولان (صامسون) ك هواسی وخیم وصحت عمومیه مضمحل در . (چالتی برونی) وحوالیسی مدھش بطاقلق در . بورالردن صعود ایدن میازملر اھالینك قاتی تسمیم ایدر . اعدادی مکتبندہ درس خانہ لری زیارت ایدرکن چوقولرک یوزنده بو مصیبتك تاریخچه سی وسطور عاقبتی اوقودم . مدیر افندی تظلم ایتدی :

« اکثریا درس ائسانده طلبه بیردن بیرہ صارایر ، دوشر ، قوصار . حمای مرزغینك بورایه مخصوص بیر تجلیسی در . طلبه بی عالمه سی یاننه کونده ریزر . بیراچ کون صوکره فقط مضمحل بیرحالده کلیر . » دیدی .

صامسونك باشلیجه وفیاتی حمای مرزغیدن در . بعضاده فیهور ژون = حمای اصفر ظهور ایدر . بلدیہ طیبی کامل افندیك اون بش سنه دنبری واقع اولان مشاهداتنه نظراً حال بو مرکزده در . (قاواق) ناحیه سنده و (بافره) ده فرنکی خسته لغی حکمفرمادر . بو (قسطنونی) دن کلیور . دیزانته ری ، تیفو ، چیچك ، ورم اكسیك دکلدر . لغملر یوقدر . قصبه و جوار متصلنده کی ۵۰،۰۰۰ اھالیدن سنوی ۳۰۰:۲۵۰ وفیات اولیور . یمنه سوق اولونوب بهر طابورندن آنجاچ ۴۰ کیشی دون ، باقیسی یمن قوملری ایچنه کومولن بدبختلر بو حسابہ داخل دکلدر . ثوت سکز سنه اول یمنه سوق اولونان خربوت طابورندن یالکز ۲۰ کیشی اوده پریشان بیر حالہ عودت ایدہ بیلمشدی . صامسونده دیفته ری کورولمه یورمش . فقط کورولمه یور دیمك واقع اولمایور دیمك دکلدر . قوجه صامسونك بلدیہ طیبی ك معاشی ۸۰۰ غروش در . سکز یوز غروش معاشی بر طیبی دها زیادہ اعتنا و دها زیادہ تعقیب وظائف ایدہ مز .

مابعدی وار

عبداللہ ہررت